

- **Kami mismo nahibalo sa among kalidad**



Dili kami tigpakaaron-ingnon dinhi sa Wikipedyya. **Kon bati ang usa ka artikulo, amo gayod kining tamlaan nga "Bati"**. Gani, adunay pipila ka mga artikulo nga, bisan tuod ug dili bandalismo ang sulod, among gipapas -- tungod kay wala kini makatungtong sa among gikinahanglang matang sa kalidad. Apan kadtong wala makatungtong sa maong ang-ang, apan mahimo pang palapdan, amo unang gitala isip mga **"Saha nga Artikulo"** -- mga artikulong nagkinahanglan sa inyong tabang aron **"motubo"**.

Apan dili ra kami kutob sa pagsuta sa bati. Daghan usab sa among mga artikulo ang adunay maayo nga kalidad. Kini sila maoy among itala isip **"Maayong Artiklo"**. Ug gikan niining mga maayong artikulo, among kuhaon ang mga **"Piniling Artikulo"**, ang kinanindotang mga sinulat sa Wikipedyya. Sa Sinugboanong Wikipedyya, kami modalit ug usa ka piniling artikulo matag bulan. APan kon magkadaghan na ang mga artikulo nga adunay susamang kalidad, mahimo kaming modalit ug usa ka Piniling Artikulo matag semana, o gani matag adlaw 9sama sa Iningles gna Wikipedyya).



Ang Sinugboanong Wikipedyya Nanginahanglan sa imong Tabang!

Ingon niini kanindot ang damgo sa Wikipedyya -- ang mahatag ang kinatibuk-ang tawhanong kahibalo ngadto sa tanan.

Apan, kay lain man ang istilo og gipaspason sa pagsulat sa matag edisyon, dili dungan ang pagkab-ot namo niini. Pananglitan, ang Iningles nga Wikipedyya mas hapit na makakab-ot sa maong damgo kon tan-awon ang gidaghanon ug ang kalidad sa ilang Ensayklopedya. Apan adunay daghan, usa na niini ang Sinugboanong Wikipedyya, ang wala pa gayod gani makatungtong sa gipaabot nga kalidad sa Pundasyong Wikimedia.

BUSA, GIKINAHANGLAN NAMO ANG IMONG TABANG. Bisan ang imong kinagamyang tampo makalipay na kanamo. Mahimo mo usab nga itunol sa lain kining maong basahon aron mapakaylap nato ang maayong tumong ug damgo sa **WIKIPEDYA**.

Kon ikaw interesado, mahimo kang mobisita sa balayan sa Sinugboanong Wikipedyya sa **ceb.wikipedia.org** .

ANG



WIKIPEDYA
ang gawasnong ensayklopedya

ceb.wikipedia.org

“Buot namong ihatag nga libre ang KINATIBUK-ANG TAWHANONG KAHIBALO ngadto sa tanang mga tawo”

ANG AMONG DAMGO... ANG WIKIPEDIA

- **Usa ka ensayklopedya**

Ang Wikipedia usa ka **libre ug gawasnong ensayklopedya**. Kini gipadagan ug gipanag-iya sa **Pundasyong Wikimedia**, usa ka dili-pangnegosyong organisasyon.



Ang tumong sa Wikipedia mao ang **paghatag sa kinatibuk-ang tawhanong kahibalo ngadto sa tanan**, ug wala kiniy bayad.

Ang Wikipedia gipadagan sa mga boluntaryong magsusulat. Ang tanang nahisulat dinhi gisulat isip tabang alang sa pagkab-ot sa mga maayong tinguha sa Wikipedia.

- **Nag-una sa bag-o ug lab-as nga mga impormasyon**

Ang Wikipedia padayong gipanindot ug gipalapdan sa mga magsusulat niini sa labing daling panahon. Lahi kini sa uban, sama pananglitan sa Encarta Encyclopedia, nga matag tuig o buwan ang pag-update, tungod kay ang Wikipedia **ma-usab man nimo kon kanus-a mo kinahanglana**. Aron mahimo kini, ang Wikipedia naggamit sa teknolohiya nga **Wiki**, usa ka rebolusyonaryong software diin mahimong ma-usab dayon ang impormasyon sa usa ka websayt kun balayan. (Kini sama sa Friendster, pananglitan, diin mahimong maka-upload og mga hulagway, maka-komento, ug makamensahe, sa labing daling panahon.)

Kini nga pamaagi maoy makahimo sa Wikipedia nga una sa kinabaghoang mga panghitabo. Pananglitan, mas paspas nga masulat sa Wikipedia ang labing uwahing SONA ni Presidente Arroyo, kun itandi sa kapabilidad sa ubang mga ensiklopedyang tinuig ang pag-revise.

- **Ensayklopedya sa daghang pinulongan**

Ang Wikipedia adunay daghang edisyon sa nagkalain-laing mga pinulongan. Ang kinadak-ang edisyon mao ang **Iningles nga Wikipedia**, nga karon adunay **kapin 2,000,000** ka mga artikulo og liboan ka mga magsusulat. Gisundan kini sa **Inaleman** (Deutsch), **Pranses**, **Kinatsila**, ug uban pa.



Sa pinulongang Pilipinhon, ang Wikipedia dunay edisyon nga **Tinagalog**, **Waray**, **Bikolano**, **Chavacano**, ug uban pa.

Tanan-tanan, ang Wikipedia anaa sa kapin **250** ka mga pinulongan sa tibuok kalibotan. Apil niini ang mga patay nga pinulongan sama sa **Latin**, ug mga giimbentong pinulongan sama sa **Esperanto**.

- **Ensayklopedya nga adunay komunidad**

Ang Wikipedia gisulat sa mga tawong **miboluntaryo sa pagbuhat niini**. Walay gipili ang Wikipedia kon kinsay makaapil, ang tanan nga adunay matampo mahimong motampo. Busa, Mahimo usab kang motabang sa pagpalambo sa Wikipedia. Kini maoy nakalahi sa Wikipedia sa ubang mga ensayklopedya, ang **Panagtinabangay ug Pag-inambitay**.

Sa Wikipedia man gud, ang tanang mga magsusulat mahimong makig-istorya ug motabang sa usa'g usa. Kon naa kay wala mahibalo-i, mahimo mo kining ipangutana sa ubang mga magsusulat sa Wikipedia. Lahi sa ubang ensayklopedya, makita mo nga tawo ang nagpadagan sa Wikipedia.

Ang Wikipedia gipadagan sa **tinuod nga tawo**. Ug ang nakanindot, **mahimo kang moapil**.

Kasaligan ba ang Wikipedia?

- **Aduna kami depensa batok sa mga Bandalismo**

Dili tiaw-tiaw ni binuang ang Wikipedia. Kami nanghinaot nga makahatag kaninyo sa mga artikulong adunay dako nga kalidad ug kasaligang impormasyon.

Dili malikayan nga adunay mga bugal-bugalon ug mga dili maayong tawo nga musulod sa Wikipedia. **Apan kami andam na alang sa mga bandalismo**. Sa pagkakaran, aduna kamiy kapabilidad sa pagsubay sa maong mga bandal pinaagi sa ilang mga **IP Address**. Gani, pipila na ka mga kompyuter ang dili na mahimong maka-dit sa Wikipedia tungod kay nasuta nga sila gigamit sa mga Bandal. Kini usa lamang sa among mga depensa batok sa maong matang sa sabotahe.

